


# Bandel Banana

Storian ia hemi kamaot long Saliba aelan mo Logea aelan long Niu Gini



Hemia Bong wetem fren blong hem, Adam. Tufala i stap rao long reva.

[1]



Rao gogo, tufala i luk sado blong wan stampa blong banana. Tufala stap luk i go daon nomo long wota, tufala i no lukluk i go antap.

[2]


---

---




Tufala i ting se bandel banana ia hemi stap long wota nomo.

[3]



Tufala i gat tingting blong stikim bandel banana ia.

[4]




Ale Adam hemi jam long soa blong karem wud blong stikim bandel banana.

[5]

---

---




Adam hemi traem stikim bandel banana, ale Bong hemi stap daeva.

[6]

---


---



Be Adam hemi no luk Bong long wota, hemi stap kilim hem long wud blong hem.  
[7]

---


---



Ale Bong hemi pulum wud, ale pulum Adam i go daon long wota tu.  
[8]


---

---




Naoia we tufala i wetwet, tufala i klaem long narasaed soa.

[9]



Naoia nomo tufala i luk stampa blong banana long soa. Tufala i luk save se bandel we tufala i bin traem stikim hemi sado blong tru bandel ia nomo.

[10]




Wan anti blong tufala hemi luk tufala long stampa banana ia.

[11]

---

---




Anti hemi askem tufala: “Yutufala wetwet olsem ia from wanem?”.

[12]

---

---




Bong hemi ansa se: “Mitufala stap rao long riva, ale mitufala i lukluk sado blong wan bandel banana long wota.”

[13]

---

---




Hemi se: “Mitufala i ting se bandel banana ia i stap long reva.”

[14]

---

---






“Ale, mitufala traem stikim bandel banana ia, be mitufala i fulfuldaon long wota.”

[15]

---

---



Anti hemi laf nomo long kranki blong tufala boe ia. Afta hemi serem raep banana blong hem wetem tufala.

[16]

---

---